

ribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, in genere, vel in specie, etiam motu, scientia, & potestatis plenitudine similibus, ac consistorialiter, necnon de fratrum nostrorum consilio, & unanimi assensu, ac alias quomodolibet, & quodcumque etiam pluries in contrarium forsitan concessis, confirmatis, & innovatis. Quibus omnibus, etiam si pro illorum sufficienti derogatione, de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, eorum omnium, & singulorum tenores, ac si de verbo ad verbum exprimerentur, & infererentur, presentibus pro sufficienter expressis habentes, illis alias in suo robore permanentibus hac vice dumtaxat harum serie specialiter, & expresse motu simili derogamus, & sufficienter derogatum esse volumus, decernimus, & declaramus; contrariis quibuscumque, seu si aliquibus communiter, aut divisim ab eadem sit Sede indultum, quod interdicti, suspendi, vel excommunicari non possint, per litteras Apost. non facientes plenam, & expressam, ac de verbo ad verbum, de indulto hujusmodi mentionem.

D. P. An. IV.
21. Martii.

Nulli ergo &c. Si quis &c.
Datum Romæ apud S. Petrum, Anno Incarnationis Dominicæ millesimo quingentesimo octuagesimo octavo 11. Kalen. Aprilis Pont. nostri Anno IV.

CXLVI.

Ex Regest. in
Secr. Brev.

Erectio Monasterii S. Adriani de Urbe pro Ordine Fratrum Beate Mariæ de Mercede Redemptionis Captivorum cum concessione omnium gratiarum, & Indulto- rum quibus alii Fratres aliorum Monasteriorum dicti Ordinis gaudent.

SIXTUS PAPA V.

Ad perpetuam rei memoriam.

Redemptio-
nis opus Fidei
Christianæ u-
tilissimum.

CUM ex omnibus Christianæ charitatis officiis quibus aeterna salus gratiam Dei comparatur, illa Redemptori Nostro Jesu Christo vel maxime placere credamus, per quæ infelices captivi a tetra impiorum servitute revocantur, primum, & salutiferum propositum dilectorum filiorum fratrum Ordinis Beate Mariæ de Mercede redemptionis Captivorum, qui huic operi ex eorum primævo Instituto jugiter intendunt promovere cupientes ea illis loca in Urbe nostra libenter concedimus, & assignamus, in quibus ipsi Altissimo famulari divinamque opem ad eam rem perficiendam assidue implorare possint.

Ecclesia S. A-
driani Fratri-
bus de Mer-

§. 1. Motu itaque proprio non ad alicujus Nobis desuper oblata petitionis instan-

tiam, sed de nostra mera liberalitate, ac certa scientia nostris, atque Apostolica potestatis plenitudine, usum Ecclesiæ S. Adriani de Urbe prædictæ, quæ denominatio Diaconi Cardinalis existit, cui dilectus filius noster Augustinus ejusdem S. Adriani Diaconus Cardinalis Cusanus nuncupatus præest, & in qua nunquam fere Divinum Officium celebratur, cum Domo illi adhaerente, ac situ ad ipsam Ecclesiam pertinente de ipsius Augustini Cardinalis expresso consensu, & salvis eidem Augustino Cardinali, & pro tempore existenti Diacono Cardinali ipsius Sancti Adriani titulo, ac omnibus, & singulis ejusdem Ecclesiæ S. Adriani bonis, proprietatibus, Juribus, actionibus, fructibus, redditibus, & proventus, quos dictus Augustinus Cardinalis, sui que successores S. Adriani Diaconi Cardinales cum integritate, & absque aliquo onere, seu contributione percipere possint, & debeant, necnon collatione, & quavis alia dispositione, seu jure conferendi dictæ Ecclesiæ Canonice, & Præbendas, ac alia Beneficia ad pro tempore existentem Diaconum Cardinalem Sancti Adriani spectantia, & pertinentia pro tempore vacantia, eidem Ordini pro una Domo, seu Monasterio Ordinis prædicti inibi cum consensu Claustro, Dormitorio, Refectorio, Cellulis, hortis, hortulitiis, aliisque officinis, & fabricis necessariis pro competenti habitatione Fratrum dicti Ordinis, qui eidem Ecclesiæ in divinis deservire, & omnia onera illi incumbenda perferre, etiam absque eo, quod aliquid pro eorum alimentis, aut aliis necessariis ab ipso Augustino Cardinali, aut pro tempore existente Diacono Cardinali S. Adriani hujusmodi petere, aut habere possint, & statu seculari ejusdem Diaconia tam quoad ipsum Augustinum, & qui pro tempore fuerit Diaconus Cardinalis, quam quoad Canonicos prædictos, quorum jura, & prærogativa nunc, & pro tempore semper illæsa remaneant in aliquo non mutato, sed illo quoad præmissa semper firmo, & salvo remanente Apostolica auctoritate tenore presentium, perpetuo concedimus, & assignamus, ipsumque Monasterium sic construendum, & ædificandum ex nunc, prout ex tunc, & e contra postquam constructum, & ædificatum fuerit in Monasterium dicti Ordinis sine alicujus præjudicio erigimus, & instituiamus, ita, quod liceat dilectis filiis Magistro Generali Francisco de Salazar, ac ejus Vicario, seu Procuratori Generali Francisco de Torres Fratri dicti Ordinis usus dictæ Ecclesiæ corporalem possessionem propria auctoritate libere apprehendere, & perpetuo retinere, nullius adhuc requisita licentia, ipsique fratres a Monasterio Ecclesiæ, ambitu, & situ prædictis per Titularem pro tempore existentem, seu Canonicos dictæ Ecclesiæ, aut quosvis alios quovis prætextu, seu causa, vel occasione moveri nunquam possint.

cede concessa
salvis jurebus
Cardinalis Tit-
ularis.

Fratres hujus-
ce erigendi
Convictus fa-
cti participes
ante-

§. 2. Ipsique Fratribus, quod omnibus, & singulis privilegiis, libertatibus, immunitatibus, exemptionibus, præminentibus, ante-

CXLVI.

Ut electio Provincialis, & aliorum Officiorum Ordinis Fratrum Prædicatorum in Provincia del Perù Indiarum fiat juxta Concilii Tridentini Decreta.

Ex Regest. in
Secr. Brev.

SIXTUS PAPA QUINTUS

Ad perpetuam rei memoriam.

Clausula pro
hujus Consti-
tutionis fir-
mitate, & ob-
servantia.

antelationibus, gratis, indultis, Indulgentiis etiam plenariis, peccatorum remissionibus, aliisque gratis tam spiritualibus, quam temporalibus, & alias quomodolibet nuncupat, quibus alii Fratres aliorum Monasteriorum dicti Ordinis quomodolibet utuntur, potiuntur, & gaudent, pariformiter, uti, potiri, & gaudere valeant indulgemus.

Designatur e-
jusdem Exc-
quitor.

§. 3. Decernentes presentes litteras nullo umquam tempore de subreptionis, vel obreptionis vitiis, seu intentionis nostre, vel quopiam alio defectu etiam ex eo, quod interesse habentes vocati non fuerint, nota ri, impugnari, invalidari, aut ad terminos juris reduci, seu in jus, vel controversiam revocari posse; sicque per quoscumque Judices, & Commissarios quavis auctoritate fungentes, etiam causarum Palatii Apostolici Auditores, ac S. R. E. Cardinales, subblata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiti debere, necnon irritum, & inane si secus super his a quoquam, quavis auctoritate, scienter, vel ignoranter contigerit attentari.

§. 4. Quocirca dilectis filiis nostro in alma Urbe, & ejus districtu in spiritualibus Vicario, & Causarum Curia Camera Apostolicæ Auditori generalibus motu simili per presentes mandamus, quatenus ipsi, vel duo aut unus eorum per se, vel alium, seu alios presentes litteras, & in eis contenta quæcumque ubi, & quando opus fuerit, ac quoties pro parte dicti Magistri fuerint requisiti, solemniter publicent, & faciant eisdem fratres præmissis omnibus, & singulis juxta presentium tenorem pacifice frui, & gaudere, nec permittant eos desuper a quoquam quomodolibet molestari, contradicentes quoslibet, & rebelles, & præmissis non parentes per sententias, censuras, & penas Ecclesiasticas, aliaque opportuna juris remedia, appellatione postposita compeccen., invocato etiam ad hoc, si opus fuerit, auxilio brachii secularis.

Derogatio
contrariorum

§. 5. Non obstantibus nostra de unionibus committendis vocatis, quorum interest, ac exprimendo vero valore, ac Lateranen. Concilii novissime celebrati uniones perpetuas nisi in casibus a jure præmissis fieri prohibentis, ac aliis Constitutionibus, & Ordinationibus Apostolicis, necnon Ecclesiæ, ac Ordinis hujusmodi juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis in contrarium quomodolibet concessis, approbatis, & innovatis. Quibus omnibus illorum tenores presentibus pro expressis habentes, illis alias in suo robore permanentibus hac vice dumtaxat specialiter, & expresse derogamus, ceterisque contrariis quibuscumque.

Dat. die 8.
Aprilis 1589.
An. IV.

Datum Romæ apud S. Petrum sub annulo Piscatoris die octava Aprilis 1589. Pontificatus nostri Anno IV.

§. 1. Exponi Nobis nuper fecit dilectus filius Petrus della Lerna Ordinis Fratrum Prædicatorum Provincia Sancti Joannis Baptistæ del Perù Indiarum Occidentalium Procurator Generalis, quod hæc juxta formam Decretorum Concilii Tridentini electiones Superiorum cum libertate fieri debeant; Nihilominus dilectus filius Generalis dicti Ordinis misit quosdam litteras ad dictam Provinciam, ad effectum ut electio futuri Provincialis fiat signanter in favorem unius Religiosi a qua excludentur ceteri, & tollitur Electoribus Capituli Provincialis dictæ Provinciae facultas eligendi personam ad id idoneam, & benemeritam in maximum dictæ Provinciae detrimentum, & notorium gravamen.

Causæ eden-
de Constituc-
tionis.

Decretum, de
quo in rubri-
ca.

§. 2. Nos itaque hujusmodi incommodis pro debito Pastoralis Officii occurrere cupientes, decernimus in supradicta Provincia Sancti Joannis Baptistæ del Perù in electionibus Priorum tam Conventualium, quam Provincialium, & aliorum Prælatorum, & Superiorum dicti Ordinis, Decreta Concilii Tridentini inviolabiliter observari debere, ac propterea quæcumque secus facta a quovis Superiore, etiam Generali, seu Vicario, Visitatore, aut dicti Ordinis Vicario in favorem Provincialis nominati, vel nominandi, vel impostum faciendæ, sint irrita, & inania, & qui ad hunc effectum contra tenorem Decretorum ejusdem Concilii se in Provinciam creare permiserit, tanquam non legitime electum declaramus, ac electiones tam Provincialis, quam aliorum Prælatorum pro tempore faciendas liberas esse debere juxta dicti Concilii Decreta, volumus, & statuimus.

Clausula de-
rogatoria.

Fides transum-
ptis danda.

§. 3. Non obstantibus dictis litteris, ac aliis quibuscumque in contrarium facientibus, volumus autem, quod presentium transumptis &c. etiam impressis manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur, quæ eisdem presentibus adhiberetur, si forent exhibitæ, vel ostensæ.
Datum Romæ apud Sanctum Petrum sub Annulo Piscatoris die 15. Aprilis 1589. Pontificatus nostri Anno IV.

Dat. die 15.
Aprilis 1589.
An. IV.

CXLVIII.

Confirmatio Statutorum, & Privilegiorum Ordinis Beate Marie de Mercede Redemptionis Captivorum.

SIXTUS PAPA V.

Ad perpetuam rei memoriam.

Inter precipuas nostre sollicitudinis partes, illud unum semper enixe providere curamus, ut Regulares persone non solum juxta laudabilia earum Instituta ita Deo Salvatori nostro famulentur, ut aliis exemplo esse possint, sed etiam, ut taliter munita, & suffulta privilegiis, & externis adjumentis existant, ut in earum fervore propter temporalia minime tepescere cogantur, aut alias perturbari, & inquietari ullatenus possint. Ad quod eo promptius erga Ordinem Beate Marie de Mercede Redemptionis Captivorum in Regno Hispaniarum primitus erectum faciendum inducimur, quod ejusdem Ordinis professores ita eximio sunt charitatis zelo succensi in proximorum salute, vita, ac libertate procuranda, ut se se in pretium, & pignus pro Christianis fidelibus a Saracenorum misera servitute redimendis, & liberandis tradere, ac mancipare cum necesse fuerit, non vercantur.

§.1. Sane cum pridem Nos ad tollendas nonnullas in hac Religione controversias certam formam pro Capituli, ac Magistri Generalis celebratione, ac electione facienda ordinaverimus, & statuerimus: Ac sicut pro parte dilectorum filiorum Francisci de Salazar Generalis Magistri, ac Francisci de Torres Procuratoris dicti Ordinis, ac Vicarii Generalis Nobis expositum fuit pro ejusdem Ordinis directione, & propagatione juxta temporum qualitatem, ac exigentiam novae quaedam reformationes, & Decreta tam de loco Capituli Generalis, quam de Vocalium electorum, & Diffinitorum auctoritate, ac aliorum dicti Ordinis Superiorum officio juxta se: re: Pii V., & Gregorii XIII. Romanorum Pontificum, Prædecessorum nostrorum, ac nostras literas præfatas facta, ac sancita fuerint: Insuper a diversis Romanis Pontificibus Prædecessoribus nostris eidem Ordini plura privilegia, & gratia tam spirituales, quam temporales concessa, confirmata, ac innovata fuerint, Nobis humiliter supplicatum fuit, ut præmissa omnia confirmare, ac eis robur adicere, ac alias in præmissis opportune providere de benignitate Apostolica dignaremur.

§.2. Nos honestis, ac piis supplicationibus hujusmodi inclinati, ac eosdem Generalem, Procuratorem, Provinciales, Superiores, ac Fratres dicti Ordinis a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innotati existunt, ad

effectum præsentium dumtaxat consequendum harum serie absolventes, & absolutos fore censentes, necnon Decretorum prædictorum, reformationum, indulgentiarum, privilegiorum, gratiarum, literarum etiam singularum tenores, pro sufficienter expressis, ac de verbo ad verbum insertis habentes, Constitutiones, ordinationes, reformationes, provisiones, ac decreta electionem, auctoritatem, potestatem, Officium Magistri Generalis, Electorum, Diffinitorum, Vocalium, Priorum, Fratrum, ac aliorum sub dicta Regula, & Instituta degentium directionem, gubernationem, curam, & administrationem, visitationem, correctionem quomodolibet in genere, vel in specie concernentia, quatenus licita, & honesta, ac Sacris Canonibus non contraria, ac ad formam Tridentinae Synodi ex certa scientia nostra, ac de Apostolica potestatis plenitudine approbamus, confirmamus, ac ab omnibus in virtute Sanctae obedientiae, ac sub excommunicationis, & aliarum poenarum pro arbitrio Magistri Generalis pro tempore existentis incursum observari, ac inviolabiliter custodiri mandamus. Supplentes omnes, & singulos tam juris, quam facti, ac solemnitatum quarumcumque quomodolibet omisissarum defectus, si qui forsitan intervernerint in eisdem.

§.3. Necnon omnia, & singula privilegia, Immunitates, exemptiones, libertates, prærogativas, antelationes, favores, præeminentias, Indulta, licentias, stationes, declarationes, facultates, concessiones, Indulgentias etiam plenarias, ac peccatorum remissiones, & relaxationes, aliasque gratias spirituales, & temporales Ordini prædicto, ac singulis illius Monasteriis, Prioratibus, ac aliis regularibus locis, eorumque Generali, Prioribus, Diffinitoribus, Visitatoribus, Superioribus, Fratribus, ac aliis Religiosis per quoscumque Prædecessores nostros Romanos Pontifices, ac Sedem Apostolicam tam in genere, quam in specie, etiam per modum communicationis, extensionis, & ampliationis, ac alias quomodolibet concessas, ac confirmatas, & approbatas, etiam si talia forent, quae specialem requirerent mentionem, quatenus sint in usu, & ad formam dictae Synodi Tridentinae, & quoad privilegia modo nulli præjudicium inferant, approbamus, & confirmamus, ac etiam de novo concedimus; Ac illis omnibus, & singulis uti, frui, ac gaudere, sicut ea omnia iuste, ac pacifice possident libere, & licite posse, & debere decernimus, ac indulgemus.

§.4. Non obstantibus Constitutionibus, & Ordinationibus Apostolicis, necnon Ordinis hujusmodi Juramento, confirmatione Apostolica, aut quavis alia firmitate roboratis statutis, & consuetudinibus, privilegiis quoque, indultis, & literis Apostolicis quomodolibet in contrarium facientibus, ceterisque contrariis quibuscumque.

§.5. Volumus autem, ut præsentium

Et Privilegia confirmat.

Contraria collit.

Transumptis fidem addit.

Nonnulli Pontifices leges pro hoc Ordine sanxerunt, & aliqua Privilegia eidem concesserunt.

Sixtus P. hujusmodi leges

transumptis &c. manu Magistri Generalis, seu alicujus Superioris dicti Ordinis, & alicujus Notarii publici subscriptis, & sigillo ejusdem Ordinis designatis, eadem prorsus fides adhibeatur, quae præsentibus adhibetur, si forent exhibitæ, vel ostensæ. Datum Romæ apud Sanctum Petrum sub Annulo Piscatoris die 26. Aprilis 1589. Pontificatus nostri Anno IV.

Dat. die 26. Aprilis 1589. An. IV.

Ex Regest. in Secr. Brev.

CXLIX.

Mandatur nunc, & pro tempore existenti Venetorum Nuncio, ut omnes electiones Ecclesiarum Parochialium hætenus factas, & pro tempore faciendas, si eos idoneos repererit juxta Decreta S.C. Trid. confirmet.

Dilecto filio moderno, & pro tempore existenti nostro, & Sedis Apostolicæ in Dominio Venetorum Nuncio.

SIXTUS PAPA QUINTUS

Dilecte fili Salucom, & Apostolicam Benedictionem.

Dux Venetus consuetudine confirmandam per Nuncium Apostolicum electionum, quæ de Parochiis Venetiis fieri solent, auctoritate Apostolica petit corroborari.

§.1. Exponi Nobis nuper fecit dilectus filius nobilis Vir Pascalis Ciconia Reipublicæ Venetæ Dux, quod cum in Civitate Venetiarum Parochialium Ecclesiarum Rectores, ab ipsarum Ecclesiarum Parochianis ad vitam eligantur, ipsique sic in Rectores electi, electionis suæ confirmationem a pro tempore existente in illis partibus Sedis Apostolicæ Nuncio petere, & obtinere consueverint; Cumque nuper a Te dubitatum sit, an hujusmodi electiones confirmare, & approbare tibi liceat absque nostra speciali licentia: Ac propterea, ut omnis desuper dubitandi materia de medio tollatur, cupiant ipsi Parochiani hujusmodi electiones, dum pro tempore fieri contigerit, quemadmodum, & semper antea consuevit per te, ac Nuncium dictæ Sedis in illis partibus pro tempore commorantem confirmari, & approbari, ac tam Tibi, quam pro tempore existenti in illis partibus Nuncio licentiam, & facultatem ad id concedi dictus Pascalis Dux Nobis humiliter supplicari fecit, quatenus hujusmodi eorum desiderio annuere de benignitate Apostolica dignaremur.

Sixtus sic electos, & a Patriarcha approbatos per Nuncium confirmari mandavit.

§.2. Nos supplicationibus hujusmodi inclinati, Tibi, & pro tempore existenti nostro, & dictæ Sedis in illis partibus Nuncio per præsentem committimus, & mandamus, quatenus omnes, & quascumque electiones Rectorum dictarum Parochialium Ecclesiarum, ut præfertur factas, & pro tempore faciendas, si nunc, & pro tempore existens Patriarcha Venetiarum personas ipsas electas, & eligendas ad curam Animarum in dictis Parochialibus Ecclesiis exercendam habiles, & idoneas juxta Concilii Tridentini decreta esse repereris, in quo tuam, & pro tempore existentem Patriarchæ conscientiam oneramus, nostra, & dictæ Sedis auctoritate approbes, & confirmes, ipsosque sic electos tanquam ve-

ros, & indubitatos ipsarum Ecclesiarum Rectores ab omnibus haberi, & censeri facias, nec ab aliquo molestari permittas. Nos enim Tibi, & pro tempore existenti in dictis partibus Nuncio plenam ad id licentiam, facultatem, & auctoritatem perpetuo duraturam tenore præsentium concedimus, & impartimur.

§.3. Non obstantibus quibusvis Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque.

Datum Romæ apud Sanctum Petrum, sub Annulo Piscatoris die 24. Maii 1589. Pontificatus nostri Anno V.

CL.

Erectio Ecclesiæ Episcopalis Civitatis Firmi, in Provincia Marchie, in Ecclesiam Archiepiscopalem.

In hac Civitate, Studium Generale innovavit hic idem Pontifex in Const. XII. Muneris. Tom. IV. Par. IV. fol. 143.

SIXTUS EPISCOPUS SERVUS SERVORUM DEI

Ad perpetuam rei memoriam.

Universi Orbis Ecclesiis, eo disponente, qui cunctis imperat, & cui omnia obediunt, meritis licet imparibus præfidentes, in omnes agri Dominici partes oculos nostræ mentis, vigilis more Pastoris, intendimus, inspicientes, quid Ecclesiarum ipsarum, præsertim Cathedralium insignium, statui, & decori maxime conveniat, atque hoc quidem pro zelo charitatis nostræ, tanto liberalius, promptiusque curandum censemus, quanto magis, non solum petentium subditorum, & preces, & merita id deposcant, sed Nos etiam ad omnipotentis Dei, & Beate Marie Virginis gloriam, animarumque salutem, & fidelium disciplinam confirmandam, necnon Ecclesiarum, quibus paterna dilectione, Apostolicaque auctoritate consulimus, utilitates ornatumque pertinere, & recte in Domino cognoscimus expedire.

§.1. Cum itaque Nos compertum haberemus, Ecclesiam Firmam Sedi Apostolicæ immediate subjectam, ac pridem ante annum a partu Virgineo quingentesimum, in Cathedrali erectam, cui alias Nos dum in minoribus constituti essemus, & Cardinalatus fungeremur honore, laudabiliter præsumimus, cuique etiam hodie venerabilis frater noster Sigismundus Episcopus Firmanus præesse dignoscitur, lapidibus marmoreis quadratis constructam ad Collem in media Civitatis Firmæ parte collocatam, singularem, atque pulcherrimam spectantem oculis multis passibus a dicta Civitate Firmana sese offerentem, in Provinciae fere medio, in qua nulla est Metropolis Ecclesiæ, in tranquilla aeris temperie, in loco distanti ab Urbe supra centum, & triginta millia sitam, Beate Marie Virginis dicatam, tribus dignitatibus, videlicet Archidia-

Derogat obstantibus.

Dat. die 24. Maii 1589. An. V.

Procurium.

Civitatis Firmi ante quibus, nobilitas fidelitas, & alia quæpiures laudes recensentur.

chidiaconatu, pro uno Archidiacono, & Archipresbyteratu, pro uno Archipresbytero, & Decanatu, pro uno Decano, necnon duodecim Canonicibus, & totidem præbendis pro duodecim Canonicis, & octo præterea Mansionariis, pro octo Mansionariis, duobusque Sacrificiis, pro duobus Sacrificiis ipsi Ecclesie inservientibus præstare, quamplures Episcopos præterea orthodoxæ fidei defensores, quorum nomina, tum Sanctitatis opinione, tum præstantia singulari præfulserunt, aliosque Cardinales honore decoratos, alios etiam Sanctæ Romanæ Ecclesie moderamina admotos habuisse, & pro tempore existentem Episcopum Firmanum, Principatus insignia, & ornamenta, præventionemque in multis causis quoad Legatos, & Gubernatores retinere, & omnimodam jurisdictionem, ex privilegiis Apostolicis jam pridem emanatis, & a fel. rec. Sixto PP. IV. Prædecessore nostro usque in hæc tempora perpetuo confirmatis, in suos Commensales, Familiares, Colonos, & Officiales etiam privative quoad Legatos, & Gubernatores quoscumque, ac Montem Viridem Castellum in omnem jurisdictionem retinere, necnon Firmum Piceni Urbem Romanorum Coloniam extitisse, ac ex qua ubi Christiana Religione imbuta fuit, sub Decio Imperatore, septuaginta Firmani Martyres prodidiisse recensentur, in qua multa corpora Sanctorum, ac innumerabiles alia reliquæ magna cum veneratione aservant, multis privilegiis, & indultis, tam a pia memoria Gregorio Septimo, a quo tunc temporis existens Episcopus Firmanus, Crucis deferendæ facultatis confirmationem obtinuit, a Gregorio Octavo, Nono, Decimo, Honorio III. qui eidem Episcopo, ut Principis nomen, jurisdictionemque spirituales, & temporales retineret, concessit, Innocentio Tertio, & Septimo, Eugenio Quarto, & Callisto Tertio, ac quamplurimis aliis Romanis Pontificibus etiam Prædecessoribus nostris, tum clar. mem. Friderico II., & Henrico III. multisque aliis Rom. Imperat. illustratam, amplissimam in qua nihil fere perspicitur, quod ejus longæ, alteque repetitam antiquitatem non præferat, in Colle aeris saluberrimi, amenitatis non exiguæ, in media Piceni parte, ad sinum Adriaticum, non longe ab Appenninis Montibus sitam, & quemadmodum Firmum Picenum olim nominabatur, ita aliis temporibus Marchia Firmana vocabatur, quod Firmum primaria Civitas in d. Provincia existeret. Principes quoque qui in suam jurisdictionem Marchiam vel receperint, vel redegerint, in dicta Civitate Sedem, domiciliumque collocasse, ac semper detinuisse, eodemque exemplo, sub Romanis Pontificibus, multis annis Curiam generalem Legationis Marchiæ, tamquam in loco honorabiliori inibi resedisse, necnon generale Studium, ad instar Studii Bononiensis a recol. mem. Bonifacio Papa VIII. similiter Prædecessore nostro, & postea ab Eugenio IV. & Callisto III. Prædecessoribus

prædictis, ac multis aliis Pontificibus confirmatum, & a Nobis denuo erectum, & restitutum floruisse, & florere, in eaque extare Collegium Jurisconsultorum jam inde ab immemorabili tempore ornatissimum, ac in numero, & Doctorum præstantia insigne, hoc quidem tempore, ultra septuaginta Doctores conscriptos reperiri, eisdem modo, & ratione quamplurimos Procuratores, & Notarios esse, in ea quoque Seminarium ex Conc. Trid. decreto institutum, aliorumque Illustrum virorum fidei studiosissimorum, pietati, & religioni summo opere deditorum, necnon Episcopi, & Pastores sui ita officiosissimorum, ut nihil umquam prætermiserint, quo ad ipsius Episcopi commoditatem, & dignitatem augendam faceret, ac multe per Firmas donationes etiam Castellorum prædictis illis temporibus Episcopo facta reperiantur copia refeclam, quibus plurimum semper delatum fuerit, tum quod ipsa Civitas situ, loco, arce munita, ac hominum robore, & fortitudine, ac ingenii acumine, & præstantia adeo ornata fuit, ut ceteris Marchiæ Civitatibus hujusmodi timorem maximum iniicere soleat, multaque obsequia erga Sedem Apostolicam prædictam perpetuo præstiterit, atque propriis actibus ab Imperio Desiderii Longobardorum Regis se vindicant, sequæ, ac sua omnia similis mem. Adriano Papæ I. pariter Prædecessori nostro, Sedique Apostolicæ prædictæ sponte dederint, ipsaque Civitas fidei causa, & sincera devotionis gratia, quam gerere solita est erga Sedem eandem, cum Fridericum primum agnoscere nolisset, igne fere absumpta fuerit, eademque de causa, & alias sæpe multæ damna, & detrimenta subierit, & in summas difficultates, & calamitates sæpius inciderit, ut se ab eorum dominio, qui Marchiam in suam ditionem contra Sedem Apostolicam redegerint, vindicaret, & ad ipsam Sedem, ejusque Imperium redire posset, veluti sub Eugenio eodem, ac aliis Pontificibus Prædecessoribus nostris, & novissime in bello Ferraricæ. similis mem. Julio II. & postea Clementi VII. Pontificibus Maximis pariter Prædecessoribus nostris, præsto fuerint. Monasteriorum insuper tam virorum, quam mulierum opulentissimorum æque, atque in quavis alia Civitate, Parochialium præterea Ecclesiarum, ac Confraternitatum, & Hospitalium quamplurimorum frequentia commendabilem, Diocesem denique Firmanam prædictam ita opulentam, & amplam extare, ut major in dicta Provincia non reperiat, agrî ubertate fertilissimam, frumento, vino, oleo, & frugibus, cum suis generis, vel etiam sale, & rebus omnibus ad victum, necessariis adeo abundantem esse, ut non solum ceteris provinciæ Civitatibus suppeditare, sed ad Dalmatas, Illyricos, Venetos, ac alios transportare soleat, ita ut plane huic Diocesi deferenda sit fertilitatis laus, quæ agro Piceno passim tribuitur. Necnon ejus Comitatum, Terras, & Castra

Ereclio dictæ Ecclesie Episcopalis Firmans in Archiepiscopale.

fra sexaginta fere habere, quo quidem Comitatu Firmum finitimum, ac confine existit ceteris fere omnibus Civitatibus dictæ Provinciæ, cujus majorem partem occupare constat.

§.2. Nos aliorum Romanorum Pontificum Prædecessorum nostrorum, qui eodem honore decorarunt Ecclesias, quibus olim in minoribus, dum constituti essent, & Cardinalatus fungerentur honore, præfuerunt, vestigia sequuti, ad illam meritis honoribus augendam, & promovendam adducti, piis quoque supplicationibus dilectorum filiorum Communitatis, & hominum ejusdem Civitatis, Nobis per dilectum filium Casarem Ottinellum, Civem Firmum U. J. D. eorum Procuratorem ad hoc ab eis specialiter constitutum desuper porrectis excitati, post habitam cum venerabilibus fratribus nostris prædictæ S. R. E. Cardinalibus maturam deliberationem, de eorum consilio, atque Apostolica potestatis plenitudine, Maceraten. Tolentin. Ripan. Montis Alti, & S. Severini in dicta Provincia consistentes, necnon dictæ Sedi etiam immediate subiectas Ecclesias, earumque Civitates, & Dioceses, cum omnibus, & quibuscumque eorum territoriis, & terminis, ac dilectos filios earum singularum, Clerum, & populum universum, cum suis Collegiatis, Parochialibus, & aliis Ecclesiis, necnon Monasteriis utriusque sexus, ceterisque beneficiis, & officiis Ecclesiasticis, cum cura, & sine cura, secularibus, & quorumvis Ordinum, & Militiarum regularibus, necnon Hospitalibus, domibus, Collegiis, & locis religionis quibuscumque, ab eisdem Sedis immediata subiectione, Apostolica auctoritate tenore presentium perpetuo dividimus, & separamus, necnon a dictæ Sedis immediata subiectione, visitatione, correctione, & omni, & quacumque alia jurisdictione etiam perpetuo eximimus, & liberamus, ipsamque Ecclesiam Firmanam ad laudem, & honorem omnipotentis Dei, ac B. Virginis Mariæ, necnon fidei Catholice exaltationem, & totius militantis Ecclesie gloriam, in Metropolitanam Ecclesiam, & Sedem Episcopalem Firmanam, in Archiepiscopalem, Archiepiscopalisque, & Metropolitan. Præsidis Sedem, & Provinciæ caput pro uno deinceps Archiepiscopo, qui Pallii, & Crucis usum aliorum Archiepiscoporum more habeat, omnibusque aliis insignibus Archiepiscopalis, necnon privilegiis, honoribus, & prærogativis Archiepiscopis debitis, & concessis gaudeat, similiter perpetuo erigimus, & instituiimus, ac nomine, titulo, ac honore Archiepiscopali, & Metropolitan. decoramus.

Submissio alicui Episcopi palium Ecclesiarum.

§.3. Præterea Ecclesie prædictæ, Maceraten. Tolentin. Ripanen. Montis Alti, & Sancti Severini Ecclesias prædictas, modernisque, & pro tempore existentes illarum Præsules, seu Administratores, pro suis, & pro tempore existentis Archiepiscopi Firmani Suffraganeis, qui tamquam membra capiti, eidem Archiepiscopo Firmano

jure Metropolitan. subsint, ita quod Archiepiscopi Firmani, in eisdem Maceraten. Tolentin. Ripan. Montis Alti, & Sancti Severini Civitatibus, & Diocesis jus Metropolitanum sibi vindicent, necnon Maceraten. Tolent. Ripan. Montis Alti, & Sancti Severini prædictæ, eidem Archiepiscopo, & Metropolitan. ad omnia, & singula habeantur, & sint adstricti, ad quæ suffraganeis suis Metropolitanis Ecclesiis, & Metropolitan. tenentur, & obligati sunt, ut indicentur secundum canonicas sanctiones; & eidem Archiepiscopo Firmano prædictos suos Suffraganeos consecrandi, ac Provinciales Synodos evocandi, ac cum eis etiam Ecclesiastica negocia terminandi, eorum Ecclesias disponendi juxta statuta Sacrorum Canonum, omniaque alia, & singula quacumque, quæ de jure, vel consuetudine, aut alias quoquomodo ad Archiepiscopos, & Archiepiscopale munus spectare, & pertinere solent, & debent, gerendi, faciendi, exercendi, plenam, & omnimodam auctoritatem, & tenore præsentis concedimus facultatem. Provincie quoque Firmanæ Clerum, & populum universum, pro eorumdem Ecclesie, & Archiepiscopi Firmani Provincialibus pariter etiam perpetuo concedimus, & assignamus.

§.4. Non obstantibus Constitutionibus, & Ordinationibus Apostolicis, ac Maceraten., Tolentin., Ripan., Montis Alti, & Sancti Severini Ecclesiarum prædictarum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis, eisdem Ecclesiis, illarumque Præsulibus, Administratoribus, & Capitulis, ac quibuscumque aliis personis, sub quibuscumque tenoribus, & formis, ac cum quibusvis clausulis, & decretis, etiam irritantibus in genere, vel in specie, etiam Motu proprio, atque ex certa nostra scientia, deque Apostolica potestatis plenitudine, etiam consistorialiter, & sub quibusvis verborum formis, ac alias in contrarium quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, eorum omnium etiam tenores, ac si de verbo ad verbum exprimerentur, & inferentur, præsentibus pro sufficienter expressis, & insertis habentes, illis alias in suo robore permanentibus, hac vice dumtaxat, harum serie specialiter, & expresse, Motu, scientia, & potestatis plenitudine paribus, derogamus, ceterisque contrariis quibuscumque.

Nulli ergo &c.

Si quis autem &c.

Datum Romæ apud S. Petrum, Anno

I

D. P. An. V. 24. Mail. Incar.

Incarnationis Dominicæ, millesimo quingentesimo octuagesimo nono, nono Kalendas Junii, Pontificatus nostri Anno V.

CL.

Quod Fratres, & Moniales Ordinis Beate Mariæ de Monte Carmelo Congregationis Discalceatorum in Italia, recitare valeant Horas Canonicas juxta Ritum Breviarii Romani reformati, prætermisso Ordinis usu, & celebrandi festa Sanctorum dicti Ordinis etiam in Calendario Romano non descriptorum.

De ejusmodi Breviario vide in Pii V. Constitut. LXXXVII. Quod a Nobis Tom. III. Par. III. fol. 22. Alia autem de toto Ordine Carmelitano, notari apud Const. LXXI. Honorii III. Ut vivendi Tom. III. fol. 242. Et de hac Congregatione vide plene in Constitut. CXXI. Gregorii XIII. Pia Tom. III. Par. III. fol. 448.

SIXTUS PAPA V.

Dilectis filiis Professoribus Ordinis B. Mariæ de Monte Carmelo, Provincia, seu Congregationis Regularis Observantia Discalceatorum nuncupata.

Dilecti filii salutem, & Apostolicam benedictionem.

Procedium.

Eximium, quod in vobis elucet pietatis studium, & præcipua Observantia regularis disciplina, qua vestram Congregationem ad Dei gloriam, communemque Christiani populi utilitatem, in dies magis florere intelligimus, Nos inducunt, ut cum multa ad eandem Congregationem feliciter regendam nuper a nobis statuta fuerint, nunc quoque in honorem Sanctorum, quos ipsa Congregatio, quasi in eorum clientelam recepta, jam pridem singulari quadam veneratione colit, piis vestris petitionibus libenter annuamus.

Concessit hic Pontifex C6- gregationi facultatem recitandi officia, juxta ritum Breviarii Romani reformati, prætermisso usu Congregationis.

§.1. Dudum siquidem per alias nostras literas concessimus inter cetera, & indulsumus vobis, atque universis, & singulis personis utriusque sexus vestrae Provinciae, ut Horas Canonicas, Diurnas, & Nocturnas, secundum usum, & Ritum Romanæ Ecclesiæ, & Breviarii Romani ex Decreto Concilii Tridentini reformati, & fel. record. Pii V. Prædecessoris nostri jussu novissime editi, tam communiter, quam divisim, etiam in singulis vestris Oratoriis, Monasteriis, & Domibus, dicere, & recitare licite possitis, & nihilominus præcepto, atque obligationi plene satisfactum per vos foret, neque ulterius ad sequendum in hujusmodi Officiis morem vestri Ordinis teneremini, prout in eisdem literis latius continetur.

Que dictum ritum observare cepit.

§.2. Quo quidem nostro indulto utentes, jam sicut Nobis exponi curastis, ejusdem Romanæ Ecclesiæ ritum in Divinis Officiis servatis.

§.3. Sed quia vetus jam diu viget in vestro Ordine laudabilis consuetudo, dies Festos in honorem Beate Mariæ, & quorundam Sanctorum solemniter celebrandi, ideo Nobis humiliter supplicari fecistis, ut religiosum istud institutum auctoritate Apostolica comprobare dignemur.

§.4. Nos itaque vestris supplicationibus inclinati, vobis, atque adeo universis, & singulis Fratribus, ac Monialibus vestrae Congregationis pro tempore existentibus, in quibusvis Domibus, Monasteriis, Collegiis, & Locis dictæ Congregationis, tam publice, quam privatim, communiter, vel divisim, officium prædictorum festorum ubique recitare, & sic recitando obligationi satisfacere libere, & licite possitis, dummodo tam in Missa, quam in recitandis Horis Canonicis, Diurnis, ac Nocturnis, modum, & formam descriptam in quinto, seu libello per dilectos filios nostros Antonium SS. Joannis, & Pauli Caraffam, & Vincentium S. Mariæ in Via titularum Presbyteros Cardinales Montis Regalis nuncupatos, de mandato nostro reviso, correcto, & approbato, in hoc observetis, & nihil penitus addatis, aut minuatis) plenam, & liberam licentiam, & facultatem, auctoritate Apostolica tenore præsentium concedimus, & indulgemus.

§. Non obstantibus dicti Pii Prædecessoris super reformatione, & approbatione novi Missalis, & Breviarii Romani, ac prædictis nostris literis, necnon aliis Constitutionibus, & Ordinationibus Apostolicis, vestrique Ordinis juramento, confirmatione Apostolica, vel quavis firmitate alia roboratis, statutis, & consuetudinibus, quodque hujusmodi dies festi in novissimo Calendario Romano descripti non sint, ceterisque contrariis quibuscumque.

Datum Romæ apud S. Petrum, sub Annulo Piscatoris, die 27. Junii 1589. Pontificatus nostri Anno V.

CLII.

Quod Archiconfraternitas Pietatis Carceratorum a Gregorio XIII. in Urbe instituta, habeat Officium Provisoris condemnatorum ad trirames totius Status Ecclesiastici. Et etiam Officium Visitatoris Carcerum Urbis, ab ejus Præfecto exercendum, possitque annis singulis secunda Feria post primam Dominicam Quadragesimæ, unum Carceratum etiam pro capitali crimine damnatum liberare.

Institutionem hujus Archiconfraternitatis habemus in Constit. Cl. Gregorii XIII. Pii patris Tom. III. Par. III. fol. 407. ut facilius tota rei series ob oculos ponatur, omnes hæc Constitutiones, quævis diversis datæ temporibus, in unum congestæ sunt.

SIXTUS EPISCOPUS

SERVUS SERVORUM DEI

Ad perpetuam rei memoriam.

Ex debito Ministerii Pastoralis, ad eorum Exordium, nostræ operationis studia diligenter con-

Pontifex ideo dictam facultatem elargitur.

Quibuscumque non obstantibus.

D. P. An. V. 27. Junii.

convertimus, per quæ pia fidelium vota, præsertim pauperum, & miserabilium personarum statum concernentia, optatum consequantur effectum, & quæ propterea per fideles ipsos pie facta, & ordinata fuerunt, ut firma, & illibata persistant, libenter Apostolico munimine roboramus.

Confirmatio institutionis Confraternitatis, ejusque Indulgentiarum.

§.1. Considerantes itaque dilectos filios Confratres Confraternitatis Pietatis Carceratorum, per fel. record. Gregorium Papam XIII. Prædecessorem nostrum in hac Urbe nostra instituta, multa in dies onera sustinere. Volentesque Confratres, & Confraternitatem hujusmodi, cujus etiam Nos, antequam ad summi Apostolatus apicem assumeremur, Protectores eramus, specialibus favoribus, & gratiis prosequi, ac de aliquis subventionis auxilio illis providere, ipsosque Confratres a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, Motu proprio, non ad dictorum Confratrum, seu aliorum pro eis Nobis desuper oblata petitionis instantiam, sed ex certa scientia nostra, institutionem d. Confraternitatis, necnon quascumque Indulgentias, & peccatorum remissiones, aliasque gratias, & privilegia, Confraternitati, & Confratribus prædictis, illorumque intuitu per eundem Prædecessorem concessa, Apostolica auctoritate tenore præsentium approbamus, & confirmamus, ac singulos defectus, si qui desuper quomodolibet intervernerint supplement.

Duo officia eidem Archiconfraternitati concedit, cum suis emolumentis. Tu scias Archiconfraternitatem gratiis ea exercere, ut habetur in declaratione, qua sequitur.

§.2. Necnon Confraternitati, & illius nomine Confratribus prædictis, unum Provisoris condemnatorum ad trirames, tam dictæ Urbis, quam reliqui totius Status Ecclesiastici, ut videlicet illi condemnati, & transmissi ad trirames, postquam tempus ad quod condemnati erant, & erunt in futurum, finierit; Et alterum Visitatoris utrorumque Carcerum secretorum, & publicorum Urbis prædictæ, & Burgi S. Petri de dicta Urbe officia, per deputandum, seu deputandos ab ipsis Confratribus exercenda, quæ dilectus filius Joannes Baptista Pafius nuper ad Sedis Apostolicæ beneplacitum, quod ex nunc Motu simili revocamus, & expirare decernimus, aut alias obtinebat, sive per revocationem hujusmodi, sive alias quovis modo, & ex cujuscumque persona, ad præsens vacantia, cum omnibus, & singulis eorum, & cujuslibet ipsorum honoribus, oneribus, privilegiis, facultatibus, prærogativis, & salariis, ac emolumentis solitis, ac debitis, auctoritate, & tenore præmissis perpetuo concedimus, & assignamus, ac Confraternitatem, & Confratres prædictos, in locum præfati Joannis Baptiste, quoad prædicta ambo officia, eorumque liberum exercitium, necnon honores, onera, privilegia, prærogativas, & emolumenta substituiimus, & subrogamus, eisdemque Bull. Rom. Tom. V. Par. I.

Confratres ex nunc ad ipsa duo officia, necnon exercitium, honores, onera, emolumenta, & prærogativas hujusmodi recipiendos, & admittendos fore, & esse, ac recipi, & admitti, eisque, nomine dictæ Confraternitatis de salariis, & emolumentis prædictis, integre, & cum effectu responderi debere, ac eisdem Confratres, & Confraternitatem nullo umquam tempore ab hujusmodi officiis, aut illorum altero, etiam per Nos, seu per pro tempore existentem Romanum Pontificem, vel quoscumque alios, ex quavis causa amoveri posse, neque debere decernimus.

§.3. Mandantes dilectis filiis nostro Philippo Sancti Angeli in foro piscium Diacono Cardinali Vastavillano nuncupato, moderno, & pro tempore existenti S.R.E. Camerario, ac Camere Apostolicæ Præsidentibus, & Clericis, ac nostro, & pro tempore existentis Romani Pontificis Thesaurario, omnibusque aliis, ad quos id quomodolibet spectat, ut Confratres, & Confraternitatem hujusmodi ad officia prædicta, sine ulla mora recipiant, & admittant, ac recipi, & admitti, necnon de emolumentis prædictis integre eis responderi faciant, & respondeant cum effectu.

§.4. Non obstantibus quibusvis aliis de dictis officiis, seu eorum altero, cuicumque, seu quibuscumque personis, per quoscumque Romanos Pontifices Prædecessores nostros, ac forsan Nos, seu quemcumque alium, etiam ex causa onerosa, aut alias quomodolibet, etiam Motu pari factis, seu faciendis, concessionibus, quas, illarumque tenores præsentibus pro expressis habentes, earumque vim, & effectum tenore earumdem præsentium Motu simili revocamus, cassamus, & annullamus, ac nostra de non tollendo jure questio quatenus opus sit, aliisque Constitutionibus, & Ordinationibus Apostolicis, necnon statutis dictæ Urbis, juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis, quibusvis personis sub quibuscumque tenoribus, & formis in contrarium forsan quomodolibet concessis, approbatis, & innovatis. Quibus omnibus etiam si de illis specialis, specifica, & expressa, non autem per clausulas generales idem importantes, mentio, seu quævis alia expressio habenda foret, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

§.5. Nulli ergo omnino hominum liceat hanc paginam nostræ absolutionis, approbationis, confirmationis, suppletionis, revocationis, decretorum, concessionis, assignationis, substitutionis, subrogationis, mandati, cassationis, annullationis, & derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac BB. Petri, & Pauli Apostolorum ejus se noverit incursum.

Datum Romæ, apud S. Marcum, Anno 1. Julii.

Officia ad officia Confratres d. Archiconfraternitatis admittant.

Quibuscumque non obstantibus.

Sanctio penalis.

D. P. An. V. 1. Julii.

no Incarnationis Dominice millesimo quingentesimo octuagesimo quinto, Kal. Julii, Pont. nostri Anno I.

Sequitur declaratio dictae concessionis.

SIXTUS PAPA V.

Archiconfraternitas dicta officia gratis exercere declarata.

CUM Nos nuper &c. ut in praeced. Constitutione. Nihilominus, quia dilectus filius Laurentius Celsus Notarius noster, & in utraque Signatura nostra Referendarius, dictae Archiconfraternitatis Praefectus, & Confratres praefati Nobis nuper exponi fecerunt, quod eorum pium institutum est, omni charitate, studio, & diligentia, ac gratis, & amore Dei, eadem officia per sufficientes, & habiles personas ejusdem Archiconfraternitatis exercere, nullam aliam inde mercedem quaerentes, quam aeternae retributionis premium, Nobis humiliter supplicari fecerunt, quatenus in praemissis opportune providere de benignitate Apostolica dignaremur.

Hic Pontifex collaudat.

§.1. Nos igitur piis eorum votis annuente, circumspeditioni tuae per praesentes committimus, & mandamus, quatenus eosdem Confratres, & Archiconfraternitatem praedictam ad officia eadem gratis, & amore Dei absque salario, & emolumentis praedictis exercenda, omni mora rejecta, admittas, & recipias, illasque per quoscumque ad quos spectat, sub excommunicationis latae sententiae poena ipso facto per contraditores incurrenda, amoto inde eodem Jo: Baptista, & appellatione quacumque rejecta, admitti facias.

Contraria tollit.

§.2. Non obstantibus omnibus, quae in dictis literis volumus non obtinere, ceterisque contrariis quibuscumque.

D. P. An. II. 20. Maii.

Datum Romae apud S. Petrum, sub annulo Piscatoris, die 20. Maii 1586., Pont. nostri Anno II.

Sequitur indultum liberandi Carceratum.

SIXTUS PAPA V.

Motu proprio &c.

Indultum anno quolibet liberandi carceratum, secunda feria post Dominicam primam Quadragesimae.

Dilectis filiis Protectori, Praefecto, Assistentibus, ac aliis Officialibus, & Confratribus Archiconfraternitatis Pietatis Carceratorum de Urbe, in Ecclesia Sanctorum Cosmae, & Damiani Regionis Piniae de eadem Urbe, pie, & canonice instituta, cujus dilectus filius noster Alexander S. Hieronymi Illyricorum Diaconus Cardinalis de Monte Alto nuncupatus, noster secundum carnem ex sorore pronepos Protector existit, specialem gratiam facere volentes, Motu simili &c. ejusdem Archiconfraternitatis Protectori, Praefecto, Assistentibus, ac aliis Officialibus, & Confratribus nunc, & pro tempore existentibus, ut de cetero perpetuis futuris temporibus qualiter secunda feria post primam Dominicam Quadragesimae, anni cujuslibet, unum carceratum, & pro quocumque crimine, & delicto, quan-

tumcumque gravi, & enormi (praeterquam lesa majestatis, & assassinii, ac propinati veneni, necnon falsificationis literarum, supplicationum, commissionum, & aliarum gratiarum Apostolicarum, vel monetarum) in carcere existentem, & ad triremes, ac etiam ultimo supplicio condemnatum, excarcerare, liberare, & absolvere libere, & licite valeant, qui eo ipso absolutus sit, & esse censeatur a quibusvis criminibus, praeterquam praedictis exceptis, Apostolica auctoritate tenore praesentium perpetuo concedimus, & indulgemus, plenamque, & liberam eis super praemissis licentiam, & facultatem impartimur.

Officiales illud observent.

§.1. Mandantes propterea dilectis filiis ejusdem Urbis Gubernatori, Senatori, Curiae causarum Camerae Apostolicae Auditori, & Vicario, aliisque Judicibus, & carcerum dictae Urbis custodibus, nunc, & pro tempore existentibus, ac eorum cuilibet quatenus visis praesentibus, seu literis Apostolicis desuper conficiendis, &c. omni mora, & dilatione, ac excusatione postpositis, eisdem praesentibus, seu literis desuper conficiendis pareant, & obediant, ac illas observent, & observari faciant realiter, & cum effectu.

Quibuscumque non obstantibus.

§.2. Non obstantibus praemissis, Constitutionibus, & Ordinationibus Apostolicis, necnon dictae Urbis statutis &c. etiam juramento &c. roboratis, privilegiis quoque, indultis, & literis Apostolicis eisdem Gubernatori, Senatori, Auditori Camerae, ac Vicario dictae Urbis, illorumque Tribunalibus, ac Judicibus, & quibuscumque aliis personis sub quibuscumque tenoribus, & formis, ac cum quibusvis clausulis, & decretis, etiam Motu proprio &c. ac consistorialiter &c. & alias in contrarium quomodolibet concessis, quibus omnibus etiam si de illis &c. expediendis latissime hac vice dumtaxat specialiter, & expresse derogamus, ceterisque contrariis quibuscumque cum clausulis opportunis.

Pape subscriptio. Repetio clausularum.

Fiat Motu proprio F. Et cum absolute a censuris, ad effectum &c. & de perpetuis concessionibus, indulto, licentia, impartitione, mandato, derogatione, aliisque praemissis, ut supra, quae hic pro sufficienter repetitis ad partem habeantur perpetuo, & ad perpetuam rei memoriam in forma gratiosa in literis latissime extendendis, & quod praemissorum omnium, & singulorum, etiam denominationum, qualitatium, aliorumque circa praemissa necessariorum, major, & verior specificatione, & expressio fieri possit in literis, etiam cum ad perpetuam rei memoriam.

Datum Romae apud S. Marcum, decimo septimo Kal. Maii Anno IV.

D. P. An. IV. 17. Aprilis.

Sequitur Privilegium Praefecti hujus Archiconfraternitatis interessendi Visitationibus Carcerum Urbis.

SIXTUS PAPA V.

Ad perpetuam rei memoriam.

Relatio operum Pietatis quae Archiconfraternitas exercet, & concessionis duorum officiorum, de quibus supra.

CUM dilecti filii Confratres Archiconfraternitatis Pietatis Carceratorum in Ecclesia Sanctorum Cosmae, & Damiani Regionis Piniae de Urbe canonice instituta, plurima juxta laudabile eorum institutum pietatis, & charitatis opera exercere consueverint, praesertim circa carceratos, eos ordinari visitando, opere, & consilio juvando, aliaque pia opera faciendo circa illorum, tum corporalem, tum spirituales subventionem, prout etiam probe novimus dum in minoribus essemus, ac ejusdem Archiconfraternitatis Protectoris munere fungeremur. Et propterea, cum Nos divina bonitas ad summum Apostolatus apicem extulisset, initio nostri Pontificatus, officia Commissariatum condemnatorum ad triremes, necnon Visitationis carcerum, tum publicorum, tum secretorum ad Camerae Apostolicam tunc spectantia, ab eadem Camera dismembraverimus, necnon eidem Archiconfraternitati applicaverimus, & appropriaverimus, ipsaque officia hactenus maxima cum pietate per Confratres praedictos, etiam absque ulla mercede, antea per dictam Camerae Apostolicam propterea dari, solvique solita, administrata fuerint.

Praefectus dictae Archiconfraternitatis locum habet in visitationibus Carcerum Urbis. De istorum Visitationum facultatibus, vide in Pii V. Constit. XCI. Reverendi. T. IV. P. III. fol. 28.

§.1. Nos considerantes, quod si in visitatione carcerum (pro tempore existens ejusdem Archiconfraternitatis Praefectus) interveniret, ejus assistentia hujusmodi dictis carceratis in illis juvandis, ac Confratribus ad praedicta opera exercendum animandis, valde utilis, & proficua, quinimo etiam necessaria esset, in hoc igitur providere, ac Confratres ipsos speciali hoc privilegio decorare volentes, Motu proprio, & ex certa nostra scientia, ac de Apostolica potestatis plenitudine, ut de cetero perpetuis futuris temporibus in visitationibus carcerum quoruncumque dictae Urbis, tam publicis, quam privatis pro tempore faciendis, prout moris est, per personas ad id deputatas, pro tempore existens dictae Archiconfraternitatis Praefectus intervenire, & interesse possit, cum voto consultivo, tamquam unus ex visitationis hujusmodi Praelatis, Apostolica auctoritate tenore praesentium perpetuo concedimus, & indulgemus, ipsumque Praefectum pro tempore existentem, in aliorum Visitationum numerum ex nunc recipimus, admittimus, quodque in eisdem visitationibus tam publicis, quam secretis quibuscumque, ac tam votando, quam consulendo, & sedendo post Almae Urbis praedictae Gubernatorem, necnon ejusdem Camerae Auditorem, & carcerum eorundem Praesidem, ac post omnes eas personas quae decisivum votum in visitatione hujusmodi habent, etiam si laicus esset, verum inter eos qui votum consultivum

tantum habent, secundum Ecclesiasticam propriae personae dignitatem, itaut Episcopus non Episcopo, ac similiter inter alias Ecclesiasticas dignitates obtinentes, majorem obtinens dignitatem, praecedere debeat dicta auctoritate perpetuo statuiamus, & ordinamus.

Munus ejusdem Praefecti in dictis visitationibus non pertinetur.

§.2. Eundemque Praefectum sic assistendo, interveniendo, votando, consulendo, & sedendo, nullo umquam tempore per alios dictae visitationis Praelatos, vel alios in ea assistentes, etiam vigore quoruncumque privilegiorum, & indultorum, tam a Romanis Pontificibus Praedecessoribus nostris, quam a Nobis, & Sede Apostolica, vel alias quacumque auctoritate, via, causa, & ex quavis occasione hactenus concessorum, & in posterum concedendorum, molestari, seu inquietari, aut loco, voce, & voto, ac actione privari posse, praesentemque gratiam, & concessionem, haeque literas semper, & perpetuo validas, & efficaces existere, & fore, suosque plenarios, & integros effectus sortiri, & obtinere.

Clausula sublata, &c.

§.3. Sicque per quoscumque Judices ordinarios, & delegatos, sublata eis, & eorum cuilibet, quavis aliter judicandi, & interpretandi facultate, & auctoritate, ubique judicari, & desiniri debere, ac irritum, & inane quidquid secus super his a quoquam quavis auctoritate scienter, vel ignoranter contigerit attentari decernimus.

Clausula derogatoria.

§.4. Non obstantibus regula nostra de jure quaesito non tollendo, aliisque Constitutionibus, & Ordinationibus Apostolicis, privilegiis quoque, indultis, & literis Apostolicis praedictis Visitationibus, & cuilibet ipsorum, ac aliis quibuscumque, tam specialiter, quam generaliter, sub quibuscumque tenoribus, & formis, ac cum quibusvis clausulis, ac derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam motu simili, ac consistorialiter, ac alias in contrarium quomodolibet concessis, approbatis, & innovatis, necnon juramento, confirmatione Apostolica, vel quavis firmitate alia roboratis, statutis, usibus, & consuetudinibus etiam immemorabilibus, & naturis, quibus omnibus, etiam si de illis specialis, specifica, & ad verbum expressa mentio habenda foret, illorum tenores praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

D. P. An. V. 22. Julii.

Datum Romae in Monte Quirinali sub Annulo Piscatoris die vigesimo secunda Julii, millesimo quingentesimo octuagesimo nono, Pont. nostri Anno V.